



Darllenwch y nodiadau hyn yn ofalus.

## A Pan ddylech chi ddefnyddio'r ffurflen hon

Defnyddiwch y ffurflen hon i wneud cais am dystysgrif gofrestru V5CW (llyfr log):

- os ydych wedi prynu'r cerbyd ond heb gael y V5CW yn eich enw chi (dylech ganiatáu 4 wythnos o'r dyddiad pan brynoch y cerbyd cyn defnyddio'r ffurflen hon)
- os yw'r V5CW wreiddiol wedi'i cholli, ei dwyn, ei difrodi neu ei dinistrio

Os ydych wedi cael V5CW yn eich enw ar gyfer y cerbyd hwn o'r blaen, ac nid oes newid i'r manylion cerbyd neu eich manylion personol, gallwch wneud cais am un ddyblyg yn [www.gov.uk/llyfr-log-cerbyd](http://www.gov.uk/llyfr-log-cerbyd) lle gallwch drethu'ch cerbyd ar yr un pryd os oes angen.

Gallwch hefyd wneud cais drwy ffonio 0300 790 6802 neu 0300 790 6819 am y llinell uniongyrchol Gymraeg. Sicrhewch fod gennych gerdyn debyd neu gerdyn credyd wrth law pan fyddwch yn ffonio, oherwydd efallai y bydd angen ichi dalu'r ffi o £25 (gweler adran D).

**Noder:** Peidiwch â llenwi'r ffurflen hon os yw'ch cerbyd wedi cael ei gategoreiddio fel cerbyd adfer A neu B oherwydd ni fyddwn yn cyhoeddi tystysgrif gofrestru V5CW (llyfr log). Ni ddylai'r cerbydau hyn gael eu gyrru ar y ffordd. Gallwch gael rhagor o wybodaeth ar categorïau adfer o'r cwmni yswiriant.

## B Llenwi'r ffurflen hon

Os na fyddwch yn rhoi'r manylion canlynol, ni fyddwn yn gallu delio â'ch cais a bydd yn cael ei ddychwelyd ichi i'w llenwi:

- holl fanylion y cerbyd yn adran 1
- eich enwau llawn yn adran 2 a pheidiwch â defnyddio llythrennau blaen yn unig neu roi enwau ar y cyd (er enghraifft, enw gŵr a gwraig neu enw tad a mab)
- cyfeiriad yn y Deyrnas Unedig (DU) yn adran 2 (nid yw cyfeiriad blwch Swyddfa'r Post yn dderbyniol oni bai fod y cais dan enw cwmni sydd â chyfeiriad post llawn)

Bydd y wybodaeth ganlynol yn ein helpu i brosesu eich cais:

- dyddiad geni (dim angen gydag enw a chyfeiriad cwmni)
- rhif ffôn cyswllt a chyfeiriad e-bost

Wrth lenwi adran 3, gall masnachwr moduron fod:

- yn ddeliwr moduron
- yn arwerthwr cerbydau modur
- yn yswiriwr cerbydau modur rydych wedi setlo hawliad yswiriant ag ef
- yn ddatgymalwr cerbydau modur (deliwr adfer)
- yn gwmni cyllid sydd â budd ariannol yn y cerbyd

Rhaid ichi hefyd lofnodi'r ffurflen hon yn adran 5.

## C Sut i dalu ac i ble i anfon y ffurflen hon

Y ffi ar gyfer y cais hwn yw £25 (adeg argraffu'r ffurflen).

Os ydych yn anfon y ffurflen hon yn uniongyrchol i'r DVLA gwnewch sieciau neu archebion post yn daladwy i 'DVLA, Abertawe'. **Peidiwch ag anfon arian parod nac archebion post heb eu llenwi.** Ni allwn dderbyn sieciau sydd wedi'u difrodi neu wedi'u newid. Os ydych yn anfon siec sydd wedi'i difrodi neu wedi'i newid, bydd eich cais yn cael ei wrthod a'i ddychwelyd ichi. Anfonwch y ffurflen hon i DVLA, Abertawe, SA99 1DD. Os ydych hefyd yn trethu eich cerbyd gweler adran F.

## D Pan na chodir ffi

Nid oes rhaid ichi dalu ffi:

- os mai chi yw'r ceidwad newydd ac roedd y ceidwad blaenorol wedi methu â rhoi gwybod inni am y newid, mae'n rhaid bod gennych y slip ceidwad newydd gwyrrdd o'r V5CW bresennol – gallwch wirio a oes gennych y ddogfen ddiweddaraf yn [www.gov.uk/cael-gwybodaeth-cerbyd-gan-dvla](http://www.gov.uk/cael-gwybodaeth-cerbyd-gan-dvla)
- os yw'r cerbyd wedi ei gategoreiddio fel cerbyd adfer categori C neu S gan y cwmni yswiriant ac maent wedi dinistrio'r V5CW – fodd bynnag, os ydych hefyd yn trethu eich cerbyd mewn cangen Swyddfa'r Post sy'n delio â threth cerbyd, bydd angen ichi dalu'r ffi a geir ei ad-dalu ar ôl i DVLA gynnal gwiriadau

## E Pan ddylech chi dderbyn y V5CW

Dylech dderbyn y V5CW o fewn:

- 2 wythnos os ydych wedi'ch cofrestru eisoes fel y ceidwad cofrestredig
- 4 wythnos os yw'r ceidwad wedi newid

**Fodd bynnag, os na fyddwch yn derbyn eich V5CW o fewn 4 wythnos o wneud cais, rhaid ichi gysylltu â DVLA. Os nad ydych wedi derbyn eich V5CW ar ôl 6 wythnos ac nad ydych wedi dweud wrth DVLA, bydd rhaid ichi dalu £25 i gael un arall.**

**Noder:** bydd y cyfeiriad ar y V5CW yn ymddangos yn fformat dewisol y Post Brenhinol. Efallai na fydd yn union yr un fath â'r un a roddir yn eich cais.

## F Beth i'w wneud os oes hefyd angen ichi drethu'ch cerbyd

Os ydych wedi prynu'r cerbyd ac rydych am ei yrru ar y ffordd mae'n rhaid ichi ei drethu ar unwaith. Os oes gennych y slip ceidwad newydd gwyrrdd gallwch ei drethu ar-lein yn [www.gov.uk/treth-car](http://www.gov.uk/treth-car) neu gallwch drethu eich cerbyd mewn cangen Swyddfa'r Post® sy'n delio â threth cerbyd drwy ddefnyddio eich slip ceidwad newydd gwyrrdd. Mae'n bosibl y bydd hefyd angen ichi llenwi'r ffurflen hon os mai dim ond y slip ceidwad newydd gwyrrdd sydd gennych.

**Os nad yw'r V5CW neu'r slip ceidwad newydd gwyrrdd gennych bydd angen ichi llenwi'r ffurflen hon a thalu ffi.** Gallwch dalu drwy arian parod, debyd uniongyrchol, cerdyn debyd, cerdyn credyd, siec neu archeb bost (yn daladwy i Swyddfa'r Post Cyf.), cerdyn cyllido Swyddfa'r Post, neu drwy sieciau teithio (mewn punnoedd sterling).

Os nad chi yw ceidwad cofrestredig y cerbyd efallai na fyddwch yn gallu ei drethu nes byddwch yn cael V5CW yn eich enw chi.

Os ydych wedi newid eich cyfeiriad rhaid ichi llenwi'ch cod post blaenorol yn y blwch o dan eich llofnod ar flaen y ffurflen hon.

Os ydych wedi cael V5CW yn eich enw ar gyfer y cerbyd hwn o'r blaen, ac mae wedi'i cholli, ei dwyn, ei difrodi neu ei dinistrio ac nid oes unrhyw newid i'r cerbyd neu'ch manylion personol, gallwch wneud cais am un ddyblyg yn [www.gov.uk/llyfr-log-cerbyd](http://www.gov.uk/llyfr-log-cerbyd) lle gallwch drethu'ch cerbyd ar yr un pryd.

## G Beth i'w wneud os oes angen ichi hefyd wneud Hysbysiad Oddi ar y ffordd Statudol (HOS)

Os ydych yn cadw'r cerbyd oddi ar y ffordd, mae angen ichi wneud HOS gyda'r cais hwn. **Os ydych wedi prynu'r cerbyd yn ddiweddar, ni ellir trosglwyddo HOS o'r ceidwad blaenorol. Bydd angen ichi wneud HOS newydd.** Os na fyddwch yn gwneud HOS, gellir dwyn achos cyfreithiol yn eich erbyn. Os mai chi yw'r ceidwad cofrestredig pan fyddwn yn derbyn eich HOS, cyhoeddir ad-daliad awtomatig o dreth cerbyd ichi ar gyfer unrhyw fisoedd llawn sy'n weddill. Os ydych wedi talu drwy Ddebyd Uniongyrchol (DD), bydd y DD yn cael ei ganslo. I wneud HOS, llenwch Hysbysiad Oddi ar y ffordd Statudol (HOS) (V890W), sydd ar gael:

- yn [www.gov.uk/gwneud-hos](http://www.gov.uk/gwneud-hos)
- gan Ymholiadau Cwsmeriaid DVLA (gweler manylion cyswllt yn adran I)

**Gwnewch yn siŵr eich bod yn atodi'r V890W i'r ffurflen hon.**

## H Diogelu data – rhyddhau gwybodaeth

Mae DVLA yn trafod eich data personol yn unol â chyfraith cerbydau ffyrdd a chyfreithiau gwarchod data. Mae'r gyfraith yn ein galluogi ni i ryddhau eich data i'r heddlu a chyrrff gorfodaeth eraill. Rydym hefyd yn darparu data i gwmnïau eraill ble y mae'r gyfraith yn ei ganiatáu. Am wybodaeth bellach ynghylch sut rydym yn prosesu eich data, eich hawliau a phwy i gysylltu â nhw, gweler ein hysbysiad preifatrwydd yn [www.gov.uk/government/publications/dvla-privacy-policy.cy](http://www.gov.uk/government/publications/dvla-privacy-policy.cy)

## I Gwybodaeth bellach

Gallwch gael rhagor o wybodaeth yn [www.gov.uk](http://www.gov.uk)

Gallwch gysylltu â ni:

- dros y ffôn ar 0300 790 6802 neu 0300 790 6819 am y llinell uniongyrchol Gymraeg (mae llinellau ffôn ar agor rhwng 8am a 7pm, dydd Llun i ddydd Gwener, a rhwng 8am a 2pm ar ddydd Sadwrn – bydd rhai galwadau'n cael eu monitro i sicrhau eu hansawdd ac at ddiibenion hyfforddi)
- drwy ysgrifennu i Ymholiadau Cwsmeriaid (Cerbydau), DVLA, Abertawe SA6 7JL

